



Aningaasaqarnermut Aatsitassanullu Naalakkersuisoq

Ulloq: 28. september 2016
J.nr.: 01.31.06/16-00734

Aningaasaqarnermut Akileraartarnermullu Ataatsimiititaliap sisamangornermi ulloq 22. september 2016-imi aalajangiineranik Naalakkersuisunut ilisimatitsineq.

Siusinaartumik pensionisianut aaqqissuusseqqinnerup piviusunnngortinnissaanut kommunini sulianik ingerlatsinerup nukittorsarnissaanut aningaasanik ilisisoqarnissaa pillugu ilassutitut aningaasaliissutitut qinnuteqaat – Suliaq nr. 01.31.06/16-00734.

”Naalakkersuisut inassutigaa,

- konto pingaarnermi 20.05.20-mi, kommuninut ataatsimoortumik tapiissutitut tunngasumi, aningaasaliissutit 1.500.000 kr.-inik amerlineqassasut, aamma
- konto pingaarnermi 20.05.31-mi, Kommunini aningaasartuutaanerusussanut immikkoortitanut tunngasumi, aningaasaliissutit 1.500.000 kr.-inik ikilineqassasut.”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:


Inatsisartut inatsisaata nr. 40, 9. december 2015-imeersup akuersissutigineqarnera tunngavigalugu matuminnga inassuteqartoqarpoq. Inatsisip atuutilernerata kingorna ukiuni marlunni siullerni immikkut sulisussanik pisariaqartitsisoqassasoq paasinarsivoq. Soraarnerussutisiallit 60-it inorlugit ukiullit ikaarsaariarnermi annaasaqartut piaarnerpaamik sulisinaassutsimikkut naliliiffigineqarnissaanut aningaasat aamma atorneqassapput, taamaalillutik taakku aaqqissuussamut nutaamut nuussinnaaqqullugit. Ilassutitut aningaasaliissuteqarnissamik qinnuteqaat una missingersuutitut sunniuteqanngilaq, tassa aningaasat sillimmatinit nuunneqarnissaat qinnutigineqarmat. Aningaasat kommuninut ataatsimoortumik tapiissutit pillugit konto pingaarnermut aningaasaliissutigineqassapput, taamaaliornikkut ukiut naallugu sulisorisat arfineq pingasut siusinaartumik soraarnerussutisianik iluarsaaqqinnerup atuutsinneqalerneranut atatillugu pisariaqartinneqartutut nalilerneqartut saniatigut sulianik ingerlatsisussanik ilinniarsimasunik allanik arfineq marlunnik atorfinitsitsinissamut kommunit periarfissaqalissallutik.

Qassit piginnaanngorsaaqqinnissamut, sungiusaaqqinnissamut assigisaanillunniit ingerlatsinissamut innersuunneqartussatut aammalu qassit naleqqussakkamik suliffinnut, tassungalu ilanngullugu qajassuussiniarluni suliffinnut imaluunniit iluaqusiiniarluni suliffinnut innersuunneqartussatut naatsorsuutigineqarnersut kiisalu qassit atukkamikkut allannguiffigineqalersaannginersut paasissutissiissutigineqassasoq ataatsimiititaliamit kissaatigineqarpoq.

Allakkanut ukununnga akissut Aningaasaqarnermut Ataatsimiititaliamit piaarnerpaamik tiguneqartussanngorlugu kalaallisut danskisullu kiisalu qarasaasiakkut uunga nassiuteqquneqarpoq: saam@inatsisartut.gl.

Aningaasaqarnermut Akileraartarnermullu ataatsimiititaliap aalajangiinera
Siuliani allassimasutut oqaaseqaateqarluni Naalakkersuisut inassuteqaatai Aningaasaqar-
nermut Akileraartarnermullu Ataatsimiititaliamit **akuerineqarput.**

Ataatsimiititaliaq sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap Siulittaasua